

▼17/09/13-16MST

CNS3154

R GB 17-09 00162 BA209

bah

CADANGAN PAIRIN MUNGKIN TIMBUL KEADAAN SEPERTI PAKISTAN TIMUR DAN BARAT Mahathir - PBS (Bergambar)

KUALA LUMPUR, 17 Sept (Bernama) -- Datuk Seri Dr Mahathir Mohamad berkata cadangan Ketua Menteri Sabah Datuk Pairin Kitingan supaya Sabah dan Sarawak dirujuk sebagai Malaysia Timur dan Semenanjung sebagai Malaysia Barat, mungkin menimbulkan keadaan seperti semasa Bangladesh sebagai Pakistan Timur.

Perdana Menteri berkata: +Dia (Pairin) ingat boleh jadi macam Bangladesh kerana dia (Pairin) tahu sejarah Bangladesh.+

Bangladesh sebelum 1971 adalah sebahagian daripada negara Pakistan dan dikenali sebagai Pakistan Timur. Pakistan Timur kemudian telah menuntut kemerdekaan daripada kerajaan Pakistan yang mencetuskan peperangan selama sembilan bulan yang akhirnya melahirkan negara Bangladesh.

Dr Mahathir berkata demikian kepada pemberita di sini hari ini sekembalinya daripada lawatan sehari ke Tawau, Sabah,.

Mengenai lawatannya, beliau berkata rakyat Sabah kini telah memberikan sokongan yang kuat kepada Barisan Nasional, dan mereka, seperti rakyat Malaysia yang lain, inginkan keamanan dan pembangunan. -- Lagi.

▼17/09/14-14MST

CNS3156

R GB 17-09 00228 BA210

bah

Mahathir - PBS 2 (Akhir) Kuala Lumpur

Dr Mahathir berkata sambutan rakyat Sabah terhadap Umno adalah baik dan di luar jangkaan. Kira-kira 250,000 orang telah menganggotainya.

Beliau yakin tanpa gangguan dan hasutan yang tidak sihat daripada pihak tertentu, Umno boleh berkembang dengan lebih pesat lagi di negeri itu.

Mengenai dakwaan PBS yang Umno mengambil pendatang tanpa izin menjadi anggota parti itu dengan memberikan mereka kad pengenalan Malaysia, Dr Mahathir, yang juga Presiden Umno berkata Umno mengesyaki yang PBS bertindak demikian untuk kepentingan mereka.

Anggota Dewan Undangan Negeri kawasan Tamparuli dan Ketua Pemuda Parti PBS Datuk Wilfred Bumburing telah mendakwa pihak tertentu sedang berusaha mendapatkan kad pengenalan Malaysia bagi pendatang tanpa izin bagi membolehkan mereka mendaftar sebagai pengundi dan menyertai Umno.

Mengenai lawatan rasminya ke Ireland selama lima hari mulai 22 Sept ini, Perdana Menteri berkata ini adalah kali pertama Malaysia mengadakan perhubungan antara kerajaan dengan negara itu.

Katanya, tindakan itu diambil memandangkan jumlah pelajar Malaysia di negara itu semakin bertambah, terutama dalam bidang perubatan.

Kerajaan Ireland sehingga ini telah memberi layanan yang baik dan memuaskan kepada pelajar Malaysia di sana, malah sanggup menerima lebih banyak pelajar negara ini berbanding dengan Britain, tambahnya.

Lawatannya itu, lawatan pertama ketua kerajaan Malaysia ke negara itu, adalah atas jemputan Perdana Menteri Ireland Albert Reynolds. -- Bernama.

▼17/09/14-16MST